

V. HEIMILD TIL GJALDSKRÁRBREYTINGA

Hreppsnefnd Miðneshrepps er heimilt að hækka eða lækka gjöld samkvæmt gjaldskrá þessari um allt að 20% án sérstakrar staðfestingar ráðuneytisins, enda verði breytingin auglýst í Lögbirtingablaðinu áður en til hennar kemur. Hækki innkaupsverð á raforku, kaupgjald eða verðlag er hreppsnefnd heimilt að fengnum tillögum rafveitunnar, að hækka rafmagnsreikninga um allt að 40% af hækkuninni. Söluskattur er innifalinn í gjaldskránni.

Gjaldskrá þessi staðfestist hér með samkvæmt vatnalögum nr. 15 20. júní 1923, og raforkulögum nr. 12 2. apríl 1946 til þess að ganga í gildi þegar í stað og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Miðneshrepps nr. 120 4 september 1958.

Atvinnumálaráðuneytið, 31. marz 1966.

Ingólfur Jónsson.

Þorv. K. Þorsteinsson.

31. marz 1966.

Nr. 72.

REGLUGERÐ

um breyting á hafnarreglugerð fyrir Bolungarvík, nr. 119 10. september 1959.

1. gr.

17. gr. reglugerðarinnar orðist þannig:

Hvert fljótandi far, sem leggst við festar innan takmarkalínu Bolungarvíkurhafnar, skal greiða gjöld samkvæmt ákvæðum þessa kafla. Undanþegin gjöldum eru þó varðskip, vitaskip, björgunarskip, rannsóknarskip og skip, sem eingöngu leita hafnar vegna sjóskemmda eða til að leita læknishjálpar.

Alls staðar, þar sem miðað er við lestartölu skipa, er átt við brúttórúmllestir.

2. gr.

18. gr. reglugerðarinnar orðist þannig:

Lestagjald.

Lestagjald skal greiða samkvæmt neðanskráðri gjaldskrá:

1. Skip skrásett eða heimilisföst í Bolungarvík:

a. Vélbátar undir 5 rúml. kr. 100.00 á ári.

b. Vélbátar 5—30 rúml. kr. 200.00 á ári.

c. Vélbátar og skip 30 rúmllestir og yfir kr. 200.00 af 30 rúml. og kr. 5.00 af hverri rúmllest þar yfir.

2. Önnur skip greiði 1.50 kr. af rúmllest í hvert skipti.

3. gr.

19. gr. orðist þannig:

Ljósagjald.

Öll skip, sem greiða lestagjald, greiði samtímis ljósagjald eftir neðanskráðri gjaldskrá:

1. Skip skrásett eða heimilisföst í Bolungarvík yfir 12 rúmlestar greiði kr. 1.00 á rúmlest á ári, þó ekki undir kr. 100.00.
2. Önnur skip greiði kr. 0.20 fyrir hverja lest hverju sinni, þó aldrei minna en kr. 20.00 og aldrei meira en kr. 200.00 hverju sinni.

4. gr.

20. gr. reglugerðarinnar orðist þannig:

Bryggjugjald.

Bryggjugjald skulu öll skip, sem leggjast að hafnargörðum eða hafnarbryggjum í Bolungarvíkurhöfn, greiða eftir neðanskráðri gjaldskrá:

1. Skip skrásett eða heimilisföst í Bolungarvík, greiði kr. 10.00 á rúmlest á ári, þó ekki minna en kr. 100.00.
2. Önnur skip greiði kr. 0.50 á hverja rúmlest í hvert skipti.

Fyrir sérstaka notkun á öldubrjótnum og á landi hafnarinnar, svo sem til síldar-söltunar, vörugeymslu o. fl., skal hafnarnefnd ákveða sérstakt gjald eða semja við viðkomandi aðila. Óheimil eru slík afnot nema leyfi hafnarstjóra komi til.

Fyrir uppsátur skipa og báta í brimbrjótsvör greiðist árgjald kr. 400.00 á bát, en kr. 100.00 á bát annars staðar á landi hafnarinnar.

5. gr.

24. gr. reglugerðarinnar orðist þannig:

Vörugjald.

Af öllum vörum og skepnum, sem fluttar eru úr skipi eða í innan hafnarinnar, svo og af afla þeirra báta eða skipa, sem gerðir eru út frá Bolungarvík, og/eða leggja afla sinn þar á land, skal greiða vörugjald til hafnarsjóðs samkvæmt gjaldskrá þeirri, sem hér fer á eftir:

1. flokkur. Aflagjald, kr. 1.00 pr. 100 kg:
Allur fiskur til verkunar, veginn upp úr sjó, slægður eða óslægður, þar með talið rækjur, skelfiskur og síld.
2. flokkur. Kr. 2.00 pr. 100 kg:
Fiskur ísvarinn, saltfiskur, hraðfrystur fiskur, sement, salt, kol og koks.
3. flokkur. Kr. 3.00 pr. 100 kg:
Beita alls konar, fiskimjöl, síldarmjöl, harðfiskur, sjávarafurðir ótaldar annars staðar, garðávextir, fóðurmjöl, kornvara, mjölvara, tilbúinn áburður.
4. flokkur. Kr. 5.00 pr. 100 kg:
Sykur, smjör, smjörlíki, tólg, jurtafeti, járn alls konar, járnþrá, ull, ullarballar, bækur, útgerðarvörur ótaldar annars staðar, lýsi, byggingarvörur, ótaldar annars staðar, kjöt og aðrar landbúnaðarvörur, pappi, pappír, strigapokar, stálvír og stálvörur. Allar vörur ótaldar annars staðar reiknaðar eftir þyngd.
5. flokkur. Kr. 10.00 pr. 100 kg:
Fiskumbúðir, málning, menja og lakk, kex, miðstöðvarkatlar og ofnar, landbúnaðarverkfæri, timbur eftir þyngd, girðingarefni, vélar alls konar, vélavarahlutir, leðurvörur, öl og gosdrykkir.
6. flokkur. Kr. 20.00 pr. 100 kg:
Ávextir þurrkaðir og nýir, blikkvörur, glervörur, iðnaðarvörur, krydd, leirvörur, litarvörur, lyfjavörur, hreinlætisvörur, verkfæri, tómatar, sælgæti, húsgögn, jólatré, eldhúshöld, bökunarvörur, niðursuðuvörur, nýlenduvörur, þrjónavörur.

7. flokkur. Kr. 50.00 pr. 100 kg:
Tóbaksvörur, ilmvötn, snyrtivörur, skartgripir, rafmagnsvörur, fatnaður alls konar, hljóðfæri, upptökutæki, viðtæki, hljómplötur, ljósmyndavörur, rafmagnsáhöld, skófatnaður, símaáhöld, skrifstofuáhöld, sportvörur, skotfæri, vefnaðarvörur, úr og klukkur, dúnn og fiður.
8. flokkur. Benzín og olíur:
a. olía (fuel) kr. 12.00 pr. 100 kg.
b. hráolía, steinolía, kr. 40.00 pr. 1000 kg.
c. benzín kr. 60.00 pr. 1000 kg.
9. flokkur. Kr. 3.00 pr. stk.:
Sauðfé, endursendar umbúðir, tóm föt og tunnur.
10. flokkur. Kr. 10.00 pr. stk.:
Stórgripir, loðdýr.
11. flokkur. Kr. 1.00 pr. rúmfet:
Timbur og aðrar vörur, sem reiknast eftir rúmmáli.

Vöru skal flokka til gjaldskrár eftir því sem vörugjaldskrá tiltekur, og greiðist gjaldið eins og þar segir, þó skal aldrei reikna vörugjald lægra en kr. 5.00 og brot úr gjaldeiningu reiknast sem heil.

Ef vafi leikur á því í hvaða flokki skuli telja einhverja vöru, úrskurðar hafnarstjóri, en úrskurði hans má áfrýja til hafnarnefndar.

Reglugerð þessi staðfestist hér með samkvæmt lögum nr. 29 23. apríl 1946, um hafnargerðir og landingarbætur, til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 31. marz 1966.

Eggert G. Þorsteinsson.

Brynjólfur Ingólfsson.

AUGLÝSING

um breyting á reglugerð nr. 104 27. október 1931, um jarðeignamál í Seyðisfjarðarkaupstað.

1. gr.

Í stað orðanna „áður en þrjú ár eru liðin“ í c-lið 5. gr. reglugerðarinnar, komi: áður en eitt ár er liðið.

Ofangreind reglugerðarbreyting, sem gerð er af bæjarstjórn Seyðisfjarðar, staðfestist hér með samkvæmt sveitarstjórnarlögum, nr. 58 29. marz 1961, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 31. marz 1966.

Eggert G. Þorsteinsson.

Hjálmar Vilhjálmsson.